



- Agora vai a do Cristovo. Que era aquela que falamos dela no coche.

*IV 13e*

I el chamábase Cristovo,  
i un día vendeu a gaita,  
e enfadóuselle a muller  
porque lle facía falta.

“Pois non te enfades, muller,  
porque che vendín a gaita,  
vendina porque era vella  
e taba toda estropeada.”

“Pois boa cousa ficeches,  
sei que te tentou o demo,  
xa podes marchar da casa  
que eu sin gaita non te quero.”

“Pois non te asustes, muller,  
porque che vendín a gaita,  
hei de comprar outra nova  
aunque empenémola casa.”

Ó outro día Cristovo  
veu ó escurecer pra casa,  
saliulle a muller á porta,  
por ver se levaba á gaita.

E así lle viu a nova  
botoulle a mau ó punteiro:  
“Esta si que che é graciosa,  
tirulero, meu gaiteiro.”

“Pois esta noite, muller,  
hámola tocar un pouco,  
bailarémola jotaña  
se o permite San Antonio.”